

**PRAVILNIK O SUKOBU INTERESA
KJKP „PARK“ D.O.O. SARAJEVO**

Januar, 2022. godina

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/I-2558/05
Porezni broj: 01071306;
Matični broj: 20379383;
Matični registracioni broj: 1-566

NLB Banka 1322602019095668;
UniCredit bank d.d.
3386902212020028;
Turkish Ziraat bank Bosnia d.d.
Sarajevo 1860001022085047

Na osnovu odredaba Zakona o sukobu interesa ("Službene novine Federacije BiH", broj 70/08), člana 43. Statuta KJKP "Park" d.o.o. Sarajevo- prečišćeni tekst, broj P- 2802-3/21, od 31.8.2021. godine i Zaključka Vlade Kantona Sarajevo, broj 02-05-11332-18/18 od 26.3.2018. godine, Nadzorni odbor je na svojoj sjednici, održanoj dana 26.01.2022.godine, donio je

PRAVILNIK

O SUKOBU INTERESA KJKP "PARK" D.O.O. SARAJEVO

Član 1.

(Predmet i svrha)

- (1) Pravilnikom o sukobu interesa KJKP "Park" d.o.o. Sarajevo (u daljem tekstu: Pravilnik) radi sprečavanja sukoba interesa i dosljedne primjene Zakona o sukobu interesa (u daljem tekstu: Zakon), uređuje se potencijalni sukob interesa i način postupanja u KJKP "Park" d.o.o. Sarajevo (u daljem tekstu: Preduzeće).
- (2) Svrha Pravilnika je unapređenje mjera za sprečavanje sukoba interesa u obavljanju poslova iz nadležnosti Preduzeća, sprečavanje sukoba između privatnog interesa pojedinca koji obavlja javnu funkciju, odnosno poslove i zadatke radnog mjesta i interesa Preduzeća kao javnog interesa, jačanje integriteta, objektivnosti, nepristrasnosti, transparentnosti i povjerenja građana u obavljanje poslova iz nadležnosti Preduzeća.

Član 2.

(Osobe na koje se odnose odredbe o sukobu interesa)

- (1) U smislu Pravilnika, odredbe o sukobu interesa odnose se na Upravu i radnike Preduzeća.
- (2) Na predsjednike i članove, Nadzornog odbora, Odbora za reviziju punomoćnika Skupštine i povremenih i stalnih radnih tijela i komisija imenovanih od strane direktora i Vlade Kantona Sarajevo ili drugih organa primjenjuju se odredbe Zakona.
- (3) U toku obavljanja funkcije na koju je imenovan, odnosno u toku obavljanja poslova i zadataka radnog mjesta, osobe iz stava (1) ovog člana ne smiju da dozvole da njihov privatni interes dođe u sukob sa javnim interesom.
- (4) Osobe iz stava (1) ovog člana dužne su da vode računa o stvarnom ili potencijalnom sukobu interesa i poduzmu sve mjere predviđene zakonom radi izbjegavanja sukoba interesa.

Član 3.

(Principi djelovanja)

Osobe iz člana 2. stav (1) Pravilnika dužne su:

- a) dosljedno se pridržavati odredbi Pravilnika, kao i zakonskih i drugih propisa kojima se uređuju njihova prava, obaveze i odgovornosti, kao i zakonskih i drugih propisa koje primjenjuju u obavljanju funkcije na koju je imenovan, odnosno u obavljanju poslova i zadataka radnog mjesta;
- b) postupati zakonito, efikasno, nepristrasno, časno, te se pridržavati principa odgovornosti,

- poštenja, savjesnosti, otvorenosti i vjerodostojnosti;
- c) ponašati se savjesno i odgovorno, da ne ugrožavaju povjerenje građana;
 - d) imovinu, sredstva za rad i finansijska sredstva koja su im povjerena koristite isključivo u svrhu za koju su namijenjena i na efikasan način;
 - e) da vode računa o javnom interesu i ne smiju da djeluju na način koji ih dovodi u položaj obaveze vraćanja usluge nekom fizičkom ili pravnom subjektu.

Član 4.

(Definicija pojmova)

- (1) Sukob interesa postoji u situacijama u kojima osobe iz člana 2. stav (1) Pravilnika imaju privatni interes koji utiče ili može uticati na zakonitost, transparentnost, objektivnost i nepristrasnost u obavljanju njihove funkcije/poslova i zadataka, odnosno u kojima privatni interes šteti ili može štetiti javnom interesu ili povjerenju građana.
- (2) Privatni interes podrazumijeva bilo koju korist za osobe iz člana 2. stav (1) Pravilnika, njihove srodnike, kao i lica sa kojima osoba iz člana 2. stav (1) Pravilnika ima prisne prijateljske, poslovne ili bilo kakve druge veze, a koje mogu stvoriti sumnju u postojanje sukoba interesa.
- (3) Srodnici su bliski srodnici, krvni srodnici u pravoj liniji bez ograničenja, srodnici u pobočnoj liniji do trećeg stepena, srodnici po tazbini do drugog stepena i dijete bračnog druga.
- (4) Bliski srodnici su bračni i vanbračni drug, dijete, roditelj (majka, otac) usvojlac i usvojenik.
- (5) Interesno povezano lice podrazumijeva srodnika ili lice sa kojim je osoba iz člana 2. stav (1) Pravilnika u ličnoj, političkoj, ekonomskoj ili drugoj vezi koja bi mogla uticati na objektivnost u radu osobe iz člana 2. stav (1) Pravilnika.
- (6) Javni interes je materijalni i nematerijalni interes za dobro i prosperitet svih građana pod jednakim uslovima.
- (7) Poklon ili druga korist u kontekstu sukoba interesa jeste da se oni daju, odnosno primaju u direktnoj ili indirektnoj vezi sa obavljanjem poslova osoba iz člana 2. stav (1) Pravilnika. Poklon može da bude novčani ili u novčanoj protuvrijednosti (plemeniti metali, umjetnine, nepokretna ili pokretna imovina, itd). Druge koristi (pogodnosti i usluge) mogu da uključuju putovanja, gostoprimstva, stipendije, popuste, pozajmice i kredite, besplatne usluge, oprost duga, nasljedstva, itd.
- (8) Lična usluga podrazumijeva svako djelovanje kojim se jedna strana obavezuje obaviti određeni posao, a druga platiti joj za to određenu naknadu, a koja ne proizilazi iz radnog odnosa.

Član 5.

(Nespojivosti)

- (1) Direktor i član Uprave ne može biti predsjednik i član Nadzornog ili Upravnog odbora imenovan ispred državnog kapitala u društvima sa učešćem državnog kapitala ili fondovima, agencijama, komisijama i drugim pravnim licima osnovanim od strane Vlade Federacije ili Parlamenta Federacije.
- (2) Predsjednik i član Nadzornog ili Upravnog odbora društva sa učešćem državnog kapitala ili institucije ne može biti predsjednik ili član Nadzornog odbora ili Upravnog odbora drugog društva ili institucije.
- (3) Predsjednik i članovi komisije za javne nabavke ne mogu biti direktor i izvršni direktor, predsjednik i članovi Nadzornog odbora i Odbora za reviziju ni punomoćnik Skupštine.
- (4) Radnicima Preduzeća nije dozvoljeno obavljanje poslova čija djelatnost je ili bi mogla biti

u konkurentskom odnosu sa djelatnošću Preduzeća .

Član 6.

(Izjava o sukobu interesa)

- (1) Osoba navedena u članu 2. stav (1) Pravilnika obavezne su dati Izjavu o sukobu interesa.
- (2) Izjava se daje u pisanoj formi koja je prilog i sastavni dio Pravilnika.
- (3) Izjava se daje najkasnije u roku od 30 dana od dana stupanja na snagu ovog pravilnika.
- (4) Osoba koja je imenovana, odnosno osobe koje su zaključile ugovor o radu, nakon stupanja na snagu ovog pravilnika, dužne su odmah, a najkasnije u roku od 30 dana od dana imenovanja, odnosno dana zaključenja ugovora o radu dati izjavu iz stava (1) ovog člana.
- (5) U slučaju promjene činjenica vezano za sukob interesa, u odnosu na činjenice iz izjave koju su dale osobe iz člana 2. stav (1) Pravilnika, iste su dužne dostaviti novu izjavu najkasnije u roku od 30 dana od dana promjene činjenica vezano za sukob interesa, u ranije datoj izjavi.
- (6) Data Izjava o sukobu interesa sastavni je dio dokumentacije imenovane osobe, odnosno personalnog dosijea radnika Preduzeća .

Član 7.

(Zabranjene aktivnosti)

Osobama iz člana 2. stav (1) Pravilnika zabranjeno je:

- a) primanje ili zahtijevanje poklona ili druge koristi ili obećanje poklona ili druge koristi;
- b) primanje dodatne naknade koja ne proizilazi iz odluke o imenovanju/izboru, ili iz ugovora o radu;
- c) obećanje zaposlenja ili nekog drugog prava u zamjenu za poklon ili obećanje poklona;
- d) privilegovanje lica radi stranačkog ili drugog opredjeljenja ili radi porijekla, ličnih ili porodičnih veza;
- e) da materijalna i finansijska sredstva koja su im povjerena u vršenju poslova koriste namjenski, ekonomično i efikasno, isključivo za obavljanje poslova i da ih ne koriste za privatne svrhe, a posebno protivno interesu Preduzeća;
- f) da neovlašteno saopštavaju informacije do kojih su došli u obavljanju svojih poslova, kao ni da daje informacije drugima, osim ako to nije propisano posebnim zakonima;
- g) donošenje odluka, odnosno učestvovanje u donošenju odluka koje utječu na finansijski ili drugi interes bliskih srodnika iz člana 4. stav (4) Pravilnika;
- h) na drugi način korištenje svog položaja radi postizanja lične koristi ili koristi interesno povezanih lica.

Član 8.

(Primanje poklona i drugih koristi)

- (1) Osobe iz člana 2. stav (1) Pravilnika ne smiju da prime poklon, niti bilo kakvu drugu korist za sebe ili druga lica u vršenju svoje funkcije, odnosno poslova i zadataka, osim protokolarnog ili prigodnog poklona manje vrijednosti.
- (2) Ukoliko je osobi iz člana 2. stav (1) Pravilnika ponuđen poklon ili neka druga korist dužna je da poklon ili drugu korist odbije, odnosno uručen poklon vrati, da poduzme radnje radi identifikacije lica i ukoliko je moguće pronađe svjedoke i da odmah o tome sačini službenu zabilješku i obavijesti neposrednog rukovodioca.

- (3) Ako je radnik u dilemi da li se ponuđeni poklon može smatrati prigodnim poklonom manje vrijednosti dužan je da o tome zatraži mišljenje od neposrednog rukovodioca.
- (4) Primanje poklona, od strane osoba iz člana 2. stav (1) Pravilnika, suprotno odredbama ovog pravilnika predstavlja sukob interesa i isti čine povredu poslovodne funkcije/radne obaveze.

Član 9.

(Sukob interesa u Postupku javnih nabavki roba, usluga ili radova)

- (1) U postupku javnih nabavki roba, usluga ili radova, Predsjednik i članovi Komisije za javne nabavke ne mogu biti radnici Preduzeća za koje postoji poslovni, finansijski ili porodični interes sa ponuđačem.
- (2) Ukoliko Predsjednik i članovi Komisije za javne nabavke, uključujući i bliske srodnike imaju poslovni, finansijski ili porodični interes sa dobavljačem, dužni su da svaki interes prijave direktoru Preduzeća prije donošenja odluke o izboru dobavljača, kako bi bili izuzeti iz rada Komisije u tom postupku.

Član 10.

(Obaveza prijavljivanja sukoba interesa)

- (1) Sve osobe na koje se odnosi Pravilnik dužne su, odmah po saznanju za postojanje sukoba interesa, isti pismenim putem prijaviti neposrednom rukovodiocu, direktoru, izvršnom direktoru ili Nadzornom odboru zavisno o osobi koja je u sukobu interesa.
- (2) Obaveza iz stava (1) ovog člana odnosi se i na potencijalni sukob interesa.
- (3) Pismena prijava može biti u formi informacije, upozorenja, predstavke, ili nekoj drugoj formi.

Član 11.

(Povreda radne obaveze)

Nepoštivanje odredaba ovog pravilnika, predstavlja povredu radne obaveze.

Član 12.

(Stupanje na snagu)

Ovaj pravilnik stupa na snagu danom donošenja i objavit će se na web stranici KJKP "Park" d.o.o. Sarajevo.

Broj: P- 177-11-1
Sarajevo, 26.01.2022.

Predsjednik
Nadzornog odbora



U skladu sa članom 6. Pravilnika o sukobu interesa KJKP "Park", d.o.o. Sarajevo broj: P-
_____, od _____ dajem

IZJAVU O SUKOBU INTERESA

Ja _____ imenovan na funkciju direktora - izvršnog direktora
_____ potvrđujem da:

- nemam poslovni, finansijski porodični ili drugi interes koji može uticati na obavljanje funkcije direktora – izvršnog direktora,
- nisam u sukobu interesa u smislu Pravilnika o sukobu interesa KJKP "Park" d.o.o. Sarajevo,
- ću odmah prijaviti ako se za vrijeme obavljanja funkcije direktora- izvršnog direktora pojavi bilo kakav poslovni finansijski, porodični ili drugi interes koji utiče ili bi mogao uticati na obavljanje funkcije direktora – izvršnog direktora u KJKP "Park" d.o.o. Sarajevo ,
- ću odmah prijaviti promjene činjenica vezano za sukob interesa u odnosu na činjenice iz ranije date izjave.

Sarajevo, _____ .2022.

DAVALAC IZJAVE

DIREKTOR

IZVRŠNI DIREKTOR

U skladu sa članom 6. Pravilnika o sukobu interesa KJKP "Park .. d.o.o. Sarajevo broj: P-
od _____ dajem

IZJAVU O SUKOBU INTERESA

Ia

da:

potvrđujem

- nemam poslovni , finansijski porodični ili drugi interes koji može uticati na obavljanje poslova i zadataka radnog mjesta u KJKP „Park „doo Sarajevo
- nisam u sukobu interesa u smislu Pravilnika o sukobu interesa KJKP“Park“ doo Sarajevo
- ću odmah prijaviti ako se za vrijeme obavljanja poslova i zadatak radnog mjesta pojavi bilo kakav poslovni finansijski , porodični ili drugi interes koji utiče ili bi mogao uticati na obavljanje poslova i zadataka radnog mjesta u KJKP“Park“ doo Sarajevo
- ću odmah prijaviti promjene činjenica vezano za sukob interesa u odnosu na činjenice iz ranije date izjave

Sarajevo, _____ 2022.

DAVALAC IZJAVE

Ime i prezime
Radnika

O b r a z l o ž e n j e

Pravni osnov za donošenje Pravilnika o sukobu interesa sadržan je u zaključku Vlade Kantona Sarajevo, broj: 02-05-11332-18/18, od 26.3.2018 godine u kojem su svi organi uprave, javne institucije koje se finansiraju iz budžeta Kantona Sarajevo, institucije nad čijim radom ministarstva vrše nadzor, javna preduzeća, ustanove i fondovi, zavodi čiji je osnivač Kanton Sarajevo zaduženi, da donesu interne akte kojim će detaljno regulisati primjenu odredaba Zakona o sukobu interesa u organima vlasti Federacije Bosne i Hercegovine te definirati mehanizme zaštite pitanja sukoba interesa.

Nadzorni odbor KJKP „Park“ d.o.o. Sarajevo

Broj P-177-11

Dana, 26.01.2022. godine

Na osnovu člana 43. Prečišćenog teksta Statuta KJKP „Park“ d.o.o. Sarajevo, broj: P-2802-3/21, od 31.08.2021. godine i člana 19. Poslovnika o radu Nadzornog odbora, broj: P-4384-2-1 od 15.12.2021. godine, na 2. redovnoj sjednici održanoj dana 26.01.2022. godine, Nadzorni odbor KJKP „Park“ d.o.o. Sarajevo donosi slijedeću

ODLUKU

Član 1.

Donosi se Pravilnik o sukobu interesa KJKP „Park“ d.o.o. Sarajevo.

Član 2.

Odluka stupa na snagu danom donošenja.

Dostavljeno:

1. Nadzorni odbor,
2. Uprava,
3. SOP,
4. Oglasna ploča,
5. a/a.



**PREDSJEDNIK
NAZORNOG ODBORA**





DOO SARAJEVO

Uprava KJKP „Park“ d.o.o. Sarajevo
Partizanske brijegke 50, 71 000 Sarajevo
Bosna i Hercegovina
ID broj: 4200258320003
PDV broj: 200258320003

Uprava KJKP „Park“ d.o.o. Sarajevo

Broj P-95-21

Dana, 12.01.2022. godine

Na osnovu člana 51. Prečišćenog teksta Statuta KJKP „Park“ d.o.o. Sarajevo, broj: P-2802-3/21 od 31.08.2021. godine i broj P-2793-2 od 20.08.2021. godine i člana 21. Poslovnika o radu Uprave, broj P- 2476-1 od 06.07.2021.godine, na 11. redovnoj sjednici održanoj dana 12.01.2022. godine, Uprava KJKP „Park“ d.o.o. Sarajevo jednoglasno donosi slijedeću

ODLUKA

Član 1.

Usvaja se Nacrt Pravilnika o sukobu interesa KJKP „Park“ d.o.o. Sarajevo i isti se u formi prijedloga dostavlja Nadzornom odboru na donošenje.

Član 2.

Odluka stupa na snagu danom donošenja.

PREDSJEDNIK UPRAVE
DIREKTOR

Akt izradila: Kadić ~~Križić~~ Naida

Dostavljeno:

1. Uprava,
2. SOP,
3. Nadzorni odbor,
4. a/a.

Teľ. Centralno: +387 33 560 550;
Direktno: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/1-2556/05
Fizični broj: 01071306;
Matični broj: 20379383;
Matični registracioni broj: 1-586

MLB Banka 13226020100900000;
UniCredit bank d.d. 3300902212003010;
Turkish Ziraat bank Bosnia d.d. Sarajevo
100001622600007